

xiiii

(...)

x
et d. led. gaubil c(o)nsul
le 18. juillet 1638.

Bail a lever taille, consulz de
villemur, consul

x et d. boyer le 29 mars
1639 . 3 fz

Aujourd huy **septiesme** du moys de **janvier mil six cens trente huict** avant midy regnant louys &a pardevant moy no(tai)re royal soubzsigne dans ma boutique en **villemur** &a estably en personne le sieur **anthoine boyer dernier consul** dudict villemur, lequel de gre a promis et **s est chargé** promet et se charge envers noble françoys de ruffou sieur de montgairal arnaud gaubil et ()jean vidal, premier second, et tiers consulz de lad(ite) ville ses collegues illec presans, scavoir est **de faire la levee et exation de tous les deniers inposes** et cottizes sur la ville et consulat dudict villemur **pour la subcistance et entretenement de trois moys de la compaignie de gendarmes de monseigneur le**

.....

mareschal de schomberg duc d()alluin lieutenant genral et gouverneur pour le roy de ceste province de languedoc en consequence de son **ordonnance du vingt troisesme decembre dernier** passé et()suivant la delibera(ti)on qu'en feut prise en corps de dioceze par messieurs les com(m)issaire ordinaire consulz et diocezains du presant dioceze bas montauban en la ville de castelsarrazy **le second du courant**, & ce sur les conprins et nommes au roole de()l()inposi(ti)on desd(its) deniers de ceste ville qu'a ces fins led(it) boyer confesse avoir receu en bonne et deue forme signe malbert leur secretaire, a laquelle levee de deniers icelluy boyer sera tenu de()s()employer avec tout autant de soing et dilig(e)ance que besoing sera, et de l()avoir faicte et remise ez mains de m(aîtr)e barthelemy de jully scindic dud(it) dioceze aux termes portes par lad(ite) assiette a peyne de tous despans damages et()interestz & d()y estre constraint comme est porte par lad(ite) ordonnance asfin d estre par led(it) sieur de jully employes aux fins qu()iceux sont destines conformement a lad(ite) assiette, voyre sera tenu led(it) boyer d en rapporter bonnes et()suffizantes quittances dud(it) sieur jully scindic, d'en rendre bon compte et()prester le relliqua a la fin desd(its) termes & en la forme accoustumee, sauf de vingt deniers t(ournoi)z pour chacune livre vallant vingt solz desdictz deniers dont il se payera par ses mains et luy seront alloués en despans lhors de la redi(ti)on dudict compte comme luy ayant esté concedé par sesd(its) collegues pour le droict de lief d'iceux a faute de trouver personne quy en ayt voulu f(air)e la condi(ti)on meilleure, **suivant le reglement general** faict

.....

en dernier lieu par sa majeste **sur le logement et()subcistance de ses troupes et gens de guerre du huictiesme de]decembre[novembre** aussy **dernier** passe, et outre ce se fera payer des frais des executions aux particuliers desnommes et cottizes audict roole quy l obligeront de les exposer pour la contraindre au payement de leurs cottites desdictz deniers selon la taxe desd(ites) executions ordinaire et accoustumee, et en cas lesd(its) cottizes formeroient opp(osition) envers lad(ite) inposi(tion) et()feroient pour ce regard proces, iceux proces seront poursuivys aux despans de la communaute dudict villemur, & ledict boyer cependant et()jusqu'a la voidange desd(ites) inposi(tions) deschargé des sommes contenues aux item desd(its) opposans, et a tenir ce dessus ainsy stipulé par lesdictes partyes icelles ont respectivement obliges tous leurs biens presans et advenir mesmes led(it) sieur de montgairal gaubil, et vidal ceux de lad(ite) communaute de villemur & led(it) boyer sa personne pour y estre constrainct par dettan(tion) d icelle, qu()ont soubmis aux rigueurs de justice avec les renontia(tions) de droict requises et l ont jure a dieu par serement en presance de anthoine savieres maistre cordonnier et pierre grelleau pra(ticien) de villemur signes avec les partyes et moy not(air)e requis

Montgairal Gaubil, consul J. Vidal, consul

Boyer Savieres P. Grelleau

Bascoul, not(aire)